

১০

গণপ্রজাতন্ত্রী বাংলাদেশ সরকার

পানি সম্পদ মন্ত্রণালয়

উন্নয়ন-৩ শাখা

সিরাজগঞ্জ শহর রক্ষা বাঁধ ও বঙ্গবন্ধু সেতু রক্ষাকল্যানে সিরাজগঞ্জ জেলাধীন বালুমহাল ইজারার বিষয়ে অনুষ্ঠিত  
আন্তঃমন্ত্রণালয় সভার কার্যবিবরণী।

সভাপতি	কবির বিন আনোয়ার
সভাপতির সচিব	
সভার তারিখ	০৮ জুলাই ২০১৯।
সভার সময়	বেলা ২.০০ ঘটিকা।
স্থান	পানি সম্পদ মন্ত্রণালয় সভাকক্ষ।
উপস্থিতি	পরিশিষ্ট-ক।

সভাপতি মহোদয় উপস্থিত সকলকে স্বাগত জানিয়ে সভার কাজ শুরু করেন। সভার শুরুতে সিরাজগঞ্জ শহর রক্ষা বাঁধ ও বঙ্গবন্ধু সেতু রক্ষাকল্যানে সিরাজগঞ্জ জেলাধীন বালুমহাল ইজারার প্রদানে সৃষ্টি সমস্যার বিষয়ে বিস্তারিত আলোচনার জন্য মহাপরিচালক, বাপাউরোকে অনুরোধ জানান। সভাপতির অনুমতিক্রমে মহাপরিচালক জানান যে, বঙ্গবন্ধু সেতুর আশে পাশে বালুমহাল ইজারার প্রদান করা হলে বঙ্গবন্ধু সেতু এবং সিরাজগঞ্জ শহর রক্ষা বাঁধ হ্রাসের মুখে পড়তে পারে। ঐ এলাকার বালু উত্তোলনের বিষয়ে সুপারিশ প্রদানের জন্য একটি কারিগরী কমিটি গঠন করা প্রয়োজন। উক্ত কারিগরী কমিটির সুপারিশ মোতাবেক বালুমহালের স্থান চিহ্নিত করণসহ অন্যান্য বিষয়ে নির্ধারণ করা যেতে পারে।

২। সভায় আলোচনায় অংশ নিয়ে সেতু বিভাগের প্রতিনিধি জানান যে, বঙ্গবন্ধু সেতুর উজান ও ভাটিতে ৬.০০ কি:মি: পরিমাণ এলাকায় বালু উত্তোলন করা যাবে না মর্মে সিদ্ধান্ত আছে। সভায় বিআইডিইউটিএর প্রতিনিধি জানান যে, ইজারার প্রদানের ক্ষেত্রে ভূমি মন্ত্রণালয়ের প্রতিনিধি জানান যে, পানি সম্পদ মন্ত্রণালয়ের ০২-০৪-২০১৯ তারিখের ১৭৫ নম্বর ডিও পত্রের ভিত্তিতে কঠোরভাবে ব্যবস্থা গ্রহণের জন্য জেলা প্রশাসকদেরকে নির্দেশনা প্রদান করা হয়েছে। উক্ত এলাকায় ১৪টি বালুমহালের মধ্যে ১০টি বালুমহাল ইজারার প্রদান করা হয়েছে। বালুমহাল ইজারা গ্রহীতাদের মধ্যে যারা ইজারা শর্ত ভঙ্গ করেছে তাদের ইজারা বাতিলের কার্যক্রম গ্রহণ করা যেতে পারে।

৩। সভাপতি মহোদয় আলোচনায় অংশ নিয়ে জানান, বিভিন্ন দপ্তরের সমন্বয়ে গঠিত কারিগরী কমিটিকে বালুমহাল ইজারা প্রদানের লক্ষ্যে সুপারিশ প্রদানের জন্য ০৪(চার) মাস সময় দেয়া প্রয়োজন। এ সময়ে যেসব ইজারা গ্রহীতা ইতোমধ্যে শর্ত ভঙ্গ করেছে তাদের ইজারা বাতিল করতে হবে।

৪। সভায় বিস্তারিত আলোচনা শেষে নিম্নরূপ সিদ্ধান্ত গৃহীত হয় :

ক্রমিক	সিদ্ধান্ত	বাস্তবায়নে
(ক)	<p>সিরাজগঞ্জ জেলাধীন বালুমহালের বিষয়ে সুপারিশ প্রদানের জন্য বাংলাদেশ পানি উন্নয়ন বোর্ডের নেতৃত্বে নিম্নরূপভাবে একটি কারিগরী কমিটি গঠনের সিদ্ধান্ত গৃহীত হলো :</p> <p>(১) প্রধান প্রকৌশলী (ডিজাইন), বাপাউরো আহ্বায়ক</p> <p>(২) ভূমি মন্ত্রণালয়ের প্রতিনিধি সদস্য</p> <p>(৩) সেতু বিভাগের প্রতিনিধি সদস্য</p> <p>(৪) জেলা প্রশাসক, সিরাজগঞ্জ সদস্য</p> <p>(৫) বিআইডিইউটিএ এর প্রতিনিধি সদস্য</p> <p>কার্যপরিধি : উক্ত কারিগরী কমিটি আগামী ০৪(চার) মাসের মধ্যে সিরাজগঞ্জ জেলাধীন বালুমহালের স্থান চিহ্নিতকরণসহ অন্যান্য বিষয়ে সুপারিশ প্রদান করবে।</p>	বাপাউরো

(খ)	গঠিত কারিগরি কমিটির প্রতিবেদন অনুযায়ী বালুমহাল ইজারা প্রদান করা যাবে।	ভূমি মন্ত্রণালয় ও সংশ্লিষ্ট জেলা প্রশাসক
(গ)	বালুমহাল ইজারা প্রাহীতাদের মধ্যে যারা ইজারা শর্ত ভঙ্গ করেছে এবং যাদের বিরুদ্ধে মামলা হয়েছে তাদের বালু মহাল ইজারা বাতিল করতে হবে।	ভূমি মন্ত্রণালয় ও সংশ্লিষ্ট জেলা প্রশাসক

৫। আর কোন আলোচনা না থাকায় সভাপতি মহোদয় সকলকে ধন্যবাদ জানিয়ে সভার সমাপ্তি ঘোষণা করেন।

কবির বিন আনোয়ার  
সচিব

স্মারক নম্বর: ৪২,০০,০০০০,০৩৬,৯৯,০০৮,১৭-৩৯২

তারিখ: ২৭ আষাঢ়, ১৪২৬

১১ জুলাই ২০১৯

সদয় অবগতি ও প্রয়োজনীয় ব্যবস্থা গ্রহণের জন্য অনুলিপি (জ্যোষ্ঠার ভিত্তিতে নয়)

- ১) সিনিয়র সচিব, সেতু বিভাগ, সড়ক পরিবহন ও সেতু মন্ত্রণালয়, সেতু ভবন, বনানী, ঢাকা (দ্রঃ আ: জনাব মো: রেজাউল হায়দার, যুগ্মসচিব)।
- ২) সচিব, ভূমি মন্ত্রণালয়, বাংলাদেশ সচিবালয়, ঢাকা (দ্রঃ আ: জনাব মো: তাজুল ইসলাম মিয়া, উপসচিব)।
- ৩) সচিব, নৌ-পরিবহন মন্ত্রণালয়, বাংলাদেশ সচিবালয়, ঢাকা (দ্রঃ আ: জনাব রাকিবুল ইসলাম তালুকদার, অতিরিক্ত প্রধান প্রকৌশলী, বিআইডিউটিএ)।
- ৪) অতিরিক্ত সচিব (উন্নয়ন), পানি সম্পদ মন্ত্রণালয়, বাংলাদেশ সচিবালয়, ঢাকা।
- ৫) অতিরিক্ত সচিব (প্রশাসন), পানি সম্পদ মন্ত্রণালয়, বাংলাদেশ সচিবালয়, ঢাকা।
- ৬) মহাপরিচালক, বাংলাদেশ পানি উন্নয়ন বোর্ড, মতিঝিল, বা/এ, ঢাকা।
- ৭) জেলা প্রশাসক, সিরাজগঞ্জ।
- ৮) সচিব মহোদয়ের একান্ত সচিব, পানি সম্পদ মন্ত্রণালয়, বাংলাদেশ সচিবালয়, ঢাকা।

এ এইচ এম আনোয়ার পাশা

উপসচিব